

隋唐文明



文懷沙 ◆ 主編

第六十五卷



古吳軒出版社

文懷沙 ◆ 主編

隋唐文明

第六十五卷

上海大學「大學叢書」

古吳軒出版社

圖書在版編目(CIP)數據

隋唐文明／文懷沙主編．《隋唐文明》編纂委員會編
蘇州：古吳軒出版社，2004.12

ISBN 7-80574-857-8

I. 隋… II. ①文… ②隋… III. 古籍—匯編—中國—隋唐時代 N. Z121.7

中國版本圖書館CIP數據核字(2004)第132009號

責任編輯：尹劍峰 陳雪春

馮立高 穎

裝幀設計：周晨

責任印刷：何潔 蔣家宏

書名：隋唐文明
編：文懷沙
出版發行：古吳軒出版社

地址：蘇州市十梓街458號

郵編：215006

電話：0512-65232286

傳真：0512-65220750

印刷：江蘇淮陰新華印刷廠

本：889×1194 1/16

開印張：4027.5

總印數：1000冊

版次：2005年3月第1版

印次：2005年3月第1次印刷

號：ISBN 7-80574-857-8/K·001

定價：38000.00圓(全100卷)

隋唐文明

第六十五卷目錄

全隋唐文十五

欽定全唐文一千卷（十三）（卷六一三至六六〇）

〔清〕董誥等纂

三

全隋唐文

十五



欽定全唐文卷六百十三目錄

武少儀

射隼高牆賦

相馬賦

王處士鑿山引瀑記

移丹河記

羊士諤

賀冊皇太后表

代閭中丞謝銀青光祿大夫表

欽定全唐文卷六百十三目錄

代人行在起居表

南鎮永興公祠堂碑

左拾遺內供奉贈使持節舒州諸軍事舒州關四

寶府君神道碑

湛黃

日五色賦

崔立之

南至郊壇有司書雲物賦

郭遵

初日見朝元閣賦

翟翬賦

南至郊祭司天奏雲物賦

六角扇賦

韋紆

枯郡廳壁記

欽定全唐文卷六百十三目錄

目錄

二

欽定全唐文卷六百十三

武少儀

少儀憲宗朝官園子司業大理卿

射隼高捕賦

以君子藏器待時爲類

文苑英華卷一三六

羽族紛紛彼飛隼兮獨勁捷而莫羣心耿介以騰踊毳班
 攔而被文擊每依於素節翔亦致於青雲匪全身以自愛
 寧有齒而見焚貫矢落庭旣垂名於孔宣父搏鳩陷網又
 伏罪於信陵君今也何時輕乎所履伊廣甸不遊乃高捕
 爰止信非位乎是蹈宜賈害而驚死吾嘗問術於列禦寇
 欽定全唐文 卷六百十三 武少儀 一

學藝於熊渠子爾或舍諸吾斯過矣我矢惟良我弓未藏
 度中而發於何不臧矧專精而致用奚得失之難量哉於
 是正色斂容凝心定志睨目引滿注矢神萃驚弦駭括將
 辟易以翻飛裂臆騰洞胃已披離而逆墜觀彼隼之貽威諒
 吾人之會意故君子周而不比用則擇地無苟進以躡高
 位無躁求以享厚利智昧於是安往而免夫顛蹶然則懷
 貪怙力者怨所聚材小任崇者覆可待故聖人明象象以
 立言懸日月而不改或有人兮修其詞遇其時三覆射隼
 之兆載質射隼之期幸寸長而罔貴冀一聞而在斯

相馬賦

文苑英華卷一三三

徐先生相馬不相色不相力相其德與乎不可測何以徵
 之鬣青絲兮風生眼黃金兮電光蹄盤擲而散花毛翕絕
 而成章衆人觀之已駢於路傍不啻於堵牆一曰爲龍一
 曰爲虎中間何敢乎比方先生則異於是忘筌於毛質之
 外引鏡於肺腑之裏見其心兮如思勿思見其目兮如視
 非視虛舟爲動喬木爲止合大道而自然喪一齊至人而
 何處有似若此者足不以遵地影不以逐形騰六合歟四
 溟截飛鳥遺流星日車爲之不轉風馭爲之中停貳師爲
 欽定全唐文 卷六百十三 武少儀 二

之龍貢伯崇爲之焚經卓然擅天下名宜乎不爾直中繩
 曲中鈞徘徊閭闔之遊園中規方中矩蜿蜒交衡之舞亦
 以其次噫徐公不至焉駘共阜於騏驎徐公一來騏驎出
 羣於駘駘由此觀之世上賢才用則虎否則鼠何以異哉
 小人也內顧無國馬之賢遇君有徐公之術早已蒙於一
 顧至今長鳴猶未騁於千里更思翦拂超然自得悅然自
 失儻受恩兮果如前則平生之願畢矣

王處士鑿山引瀑記 文苑英華卷八二八

琅瑯王易簡今之獨行士也雖承冠冕之緒不踐名利之

遂怡心曠滄篇志康直精識雅鑒洞元鏡微司徒相國好山水之遊深吏隱之興啟沃多暇不孤勝賞遇良辰麗景必載酒攜賓將陶性情屢造郊野每車馬磨至簪裾蒲席布褐之客唯王生爲得賢而親亦可知矣岐公有林園亭沼在國南朱陂之陽地名樊川鄉接杜曲卻倚峻阜舊多細泉棠樹石而散流漚沙壤而潛耗注未成瀑浮不勝杯王生脫之歎而言曰天造斯境人有遺功若能疏鑿控會始可見其佳矣公乃命僮使具畚鍤稽度力用而請王生主之生於是周相地形幽尋水脈目指頤諭浚微導壅穿欽定全唐文

卷六百十三

武少儀

三

或數仞通如一流竇巖腹渠壑引涓溜集於澄潭始旁決以淙瀉復涌流而環曲觴竿徐泛自符洛汭之飲管絃乍舉若試舒姑之泉映碧甃而夏寒間蒼苔而石淨懿夫簔滴漚以珠墮今潺湲而練垂又何以助清瀾於荷池滋難芳於藥園不易舊所別成新趣岐公乘閒留玩畢景忘疲優游宴適更異他日矣王生之靈襟巧思不其至歟在昔神龍景龍之間故人中書令韋公嗣立有別業在驪山之下雲松泉石奇勝幽絕中宗皇帝嘗親幸焉旣而第從臣之篇詠爲國朝之盛美因詔改其谷名幽棲谷賜韋公號

逍遙公渥恩稠疊時罕爲比上之愛女安樂公主恃寵驕恣求無不得遂奏請買韋公此莊以爲遊觀之地上不許之曰大臣所置宜傳子孫不可奪也公主竟慙而止信足以輝煥史筆作程將來况茲池臺林園密邇舊廬所居之別館也貽厥百代保之無窮荷彼瀑泉亦與慶流而不竭矣少儀忝公門客竊跡翰苑謬當授簡俾紀王生之能事因獲略而敘焉其餘則已具奉常權公之記述故不復重列云

移丹河記

欽定全唐文

卷六百十三

武少儀

四

高平古注氏邑也其沿代改名圖經詳矣初相地而居之蓋以土厚水深爲善農鑿井而飲者則以穿壤剖石爲艱故千家之中數井而已綆以遠引而多絕瓶以難升而驟贏則雖有瑞賜之機智無施其巧捷雖有管寧之仁惠無杜其忿鬪况牛馬俟乎滿腹必遵乎十里之河而瓜蔬期乎給口常望一旬之雨朝夕勞苦歲時饑饉可勝道哉嘻凡爲前敵滋久終俟後賢乃革不然豈子男百輩而莫之是恤貞元七年潞州屯留令平原明濟受連帥相國大司空義陽王李公之命假領茲邑撫按疲黎其清動簡惠不

異於屯留之政政可知也下車之日咨訪故老問人疾病
僉曰公之至也俗詠其蘇矣惟水之歉詎敢求救於公耶
明侯聞之若疚於心且形於色曰夫窮必有泰固常理也
此豈無望前或未思吾將退而慮之由是發智周之妙躬
循郊原目究川谷度高下之勢相引決之宜有丹水者始
自縣之西北山源高而派平可議壅以導明侯載審厥事
將利於人乃下謀於鄉畫次白於郡守上言於節制才獲
所請爰賦其功乘井稅之暇候農桑之隙先儲乎薪芻之
物次具乎鉞鍤之器然後量功命日使里人樂助競于來
欽定全唐文 卷六百十三 武少儀

五

而展力故不更數窾其有成始瀦流而爲潭因疏渠以遠
郭築防以補其隙隙剝木以道其險阻脉分枝散貫邑周
閭瀾瀾苔草之間陰陰槐柳之下遂使家開沼沚戶植菱
荷濫觴可以寄傲垂釣可以烹鮮豈直豐畦圃之沃灌恣
閭閻之飲濯路有奉漿之義井爲應汲之泉人無荷擔之
勞畜無奔走之困而已也復於潭側特建水祠列樹敞亭
別成佳境將俾水依神而永久人賴水而無極庶功用不
再且祈報有歸焉明侯觀夫眾情之欣洽足以閒居而賞
玩化島之餘聞王鳧之雙飛臨堂之際調宓琴而合響不

其美爾君子曰政無大小以勤民爲良事無工拙以利物
爲貴如明侯者實兼而有之其由我大司空義陽王以至
公且明推獎而致此者矣子偶以行役經過於斯耳聆嘉
謠目覽異績緇黃者文因請予以記事予誠忝跡於文者
姑具述義陽王之德舉明侯之善亦何辭焉是則勉而志
之貞元癸酉建

羊士諤

士諤泰山人貞元元年進士元和初官監察御史擢戶部
郎中出爲賓州刺史

欽定全唐文 卷六百十三 羊士諤

六

賀冊皇太后表

文苑英華卷五五七

伏以某日誥命爰以今辰太上皇后光膺典冊盛化既行
中外同慶臣某中賀皇太后母德降祥坤儀垂訓堯門誕
聖時逢寶曆之興彤管紀言道光內輔之業九族承序萬
國又安伏惟皇帝展禮南宮奉觴北極榮超簡冊慶浹寰
區凡在生靈孰不傾戴臣以遠守藩鎮不獲抃舞闕廷
代閭中丞謝銀青光祿大夫表 文苑英華卷五五八

臣某言今月日吏部符下奉恩制加臣銀青光祿大夫朝
命達臨殊私曲被喜躍無措惶懼惟深臣某中謝臣謬忝

方隅實淹歲序幸逢昌運得備職官昨者累狀封章輒有陳乞敢希獎進虛荷恩榮而陛下不思天功爲臣已力詔曰二十石便安吾人理有異等則就行賞典不繫年序夫入神休泰自感陶鈞封域又安是恭理化雖云六稔無裨三載之文况當退思乃叨進秩之典溫憑微績陟在綸言超踐清階猥登明勸榮深載造光被生華匪臣孱愚所宜忝竊惟奉宣時令敬尊農祥保率土之康寧贊遠黎之生植而邱山施重螻蟻效輕上報無階稽首知懼無任感戴屏營之至

欽定全唐文

卷六百十三

羊士瑤

代人行在起居表

文苑英華卷六〇九

七

臣某言臣以菲才親奉昌運受藩隅之重任效犬馬之微誠惟君知臣特受恩獎夙興夜惕榮懼積中臣某中謝伏以租稅之殷江鄉爲重閭井之化水旱是虞臣職在分憂期於富庶宣陛下雨露之惠令獲小康守朝廷刑賞之規敢思中立條賦斂以辨集除疾苦而均安閉閣齋心仰思元造竊以聖慈廣被每念遐方臣忝守官合具聞達

南鎮永興公祠堂碑

越部凡七郡三十有八邑提封所加旁合溟海由是崇元

侯之命建東征之府其鎮曰會稽山其神爲永興公國朝接周漢之統元化大備禮茲百神受職祀典錫以嘉號視爲諸侯貞元九年夏四月連率安定皇甫公以前月丁酉詔旨奉元玉制幣禱於靈壇勤報功之享循每歲之法致齋野次虔捧祀冊夜漏未盡禮成三獻君子謂公能宣命以展敬故祀神而降祉克靖甌越大康東南我修德刑以牧黔首神作雷雨登有年明訓式敷幽贊斯效觀夫高麗迴抱以蔽景大澤下浸而蒸雲沈潛龍虎之姿決滌風霆之氣靈衛交戰闕宮洞門神其在焉寵被侯服是宜礼旌不生水旱罔沴允答宸慮長於累山乃銘石墻垣以代彝器其辭曰

欽定全唐文

卷六百十三

羊士瑤

八

天秩喬岳莫茲南方精合晦明化備柔剛帝念下土延神致祥清廟既闡華蟲有光乃卜元辰爰詔方伯爾克精享神其昭格賴薦惟誠金奏匪樂時臻太和人受景福元德孔鑒虔恭肅祇陳信不匪形乎正辭

左拾遺內供奉贈使持節舒州諸軍事舒州刺史

關四

實府君神道碑

金石萃編卷一〇五

有唐左拾遺贈使持節舒州諸軍事舒州刺史扶風賈公

洎夫人汝南袁氏繼室贈臨汝太君字開一元和二年秋八月十七日

一歆殯自丹陽郡覆釜山克葬於河南之偃

師北原字開一慶大名漢然字開二十御史中丞字開五東階之

開一以先大夫之家傳字開二於開一府字開一政揚其不朽

開十居字開一陵代績字開三於漢字開一號多元侯上將亦

字後宮賢家河西郡公字開二代祖紹左武衛大將軍改封

柱平公高祖善衡承慶字開一郡守曾祖元字開一兗州任城

令字開二柱平烈考允同昌郡司馬建節拖紳偃風蠻俗字開一

字列子男字開四督字開一之字開七歲以文字開二方秉筆待問

欽定全唐文卷六百十三 半十考 九

開一王賢士大夫傾字開一慰字開一俄而天寶後元字開六二十

陵縣字開一陌尉帶本官充租庸從事代州刺史字開一抗時

開二良將字開六及移鎮字開一州辟都字開一州封字開一詔字開一

字下縣字開三書之字開二府字開二賢雋字開一與公善重字開一

方伯字開三字下藩魏之節使字開一觀感者獻聞詔字開六字

字取每歸厚於公時字開一難既夷字開十字下於是微拜左

拾遺內供奉字開三紳議矣字開二字下而嘉謀泉字開一振鐸

而雅什風行雍容內廷方俟字開九陵朝來釋氏世病於權

臣由是與二三諫官字開一移字開二於京字開六文集七卷字開一

字於代嗚呼道字開一前席字開一傳字開下夫人有子曰常殿中

侍字開二內供奉賜緋魚袋湖南都團練判官次日年字開下繼

室字開一臨汝太君有子曰羣御史中丞賜紫金魚袋次日

庠殿中侍御史內供奉鎮海字開下征字開二彼門字開二為鄉字開四

字人皆中書令南陽王字開二之孫給事中字開下女弟孝字開下休

字開三族德宗皇帝字開四克念遺賢中丞以字開一器卧字開一

之姿遇字開五字下室室既字開二見一拜右拾遺遂登字開二

祿驟升侍御史簡自上心字開一邊膳部字開六州刺史字開四

御史中丞字開五使真拜吏部郎中字開一執邦憲其間當先

欽定全唐文卷六百十三 半十考 十

朝字開二今上嗣位國有大慶家延寵光推恩字開一天明字開三

字第三字開十其作字開一於字開三在君子謂字開二立身慎忠道

達四者盡在於中憲乎銘曰

猗歟君侯宣力諫臣沃心無隱直質而文賡歌柏梁字開十

南薰字開十化糾謬言責其道屈伸斯人損益盡忠稱職事

光運迫令嗣執憲三朝匪躬易著字開二詩字開十石字開一一啟

字開五垂裕後昆觀德無窮元和三年歲次戊子十月已酉

朔五日癸丑建

湛黃

貴毘陵人後徙宜春貞元中進士調江陰縣主簿權知無錫縣遷毘陵太守

日五色賦以日麗九華聖符土德爲韻

文苑英華卷五

聖日呈睨至德所加布瑣璅之五色被輝光於四遐纖塵乍收爛彼雲間之彩清漣既動煥乎川上之華且夫德惟純一瑞符祚九彼合璧而未方顧抱珥而何有豈若青赤以之彩錯光芒屏其氛垢星同色而莫儔露成文而曷偶至乃天衢將曙春雨新霽廓彼長空斂其纖翳煥轡車而逾媚映彤庭而轉麗同象德於金天陋再中於漢帝於時欽定全唐文卷六百十三

溫黃

士

宸睠屢迴聖心方契恆旰食以爲慮豈浮雲之能蔽觀其往復黃道隱現非一彰有德而天下文明照無私而海內清謐馴聲對而沮色儀鳳臨而委質光浮石壁謂螭皇之補天影入詞林疑江淹之夢筆彼連珠之代王字之日雖得以載其圖牒實難以爲其儔匹未若先分五色德合三無明天道以下濟與人事而同符較茲嘉祉超於遠古果杲而五色成文郁郁而萬物咸覩祥光旁燭偏宜連畛之瓜瑞彩下臨更並建社之土於以先被四表昭彰元聖播頌聲於管絃流喜氣於歌詠矧其堯舜爲理義和奉職仰

以陽精象於我德不然何以照曜六合元黃五色出於震位煥夫皇極仰其耀希照姬以資成傾其心比葵藿之生植儻餘光之可借庶分陰之有得

崔立之

立之貞元中進士

南至郊壇有司書雲物賦

以題爲韻

文苑英華卷一

惟皇動天辨方正位稽大明於北陸郊上元於南至五夜祇肅載惟列祖之誠三日罔愆用表致齋之意於是乘法駕鳴和鸞玉漏聲曉金波影殘環衛儼以星拱管絃列而欽定全唐文卷六百十三

崔立之

士

雲攢備肅肅之盛禮咸濟濟於靈壇大呂雲門既六變而斯闕嘉果旨酒感百神而具歡矧器用陶匏藉以包茅光逾泰時磬邁周郊朱火煬烟達浮於華蓋元酒明水近映乎長旂懿夫宇宙氛氲晴郊景曛宗伯司禮保章辨雲榮光燭於九野佳氣覆於六軍飄飄飄飄郁郁紛紛足以昭上帝瑞吾君時謂唐時歌卿雲之五色德稱虞德詠南風之再薰是以惟聖惟壽可大可久既豐稔之足徵復災癘之何有既而旋天步迴象與大孝是展皇情未摠將欲超羲軒於上古方淳樸於太初俾時和俗阜塗謠史書土階

攸則而瓊室靡居且處乎賢哲尚屈所以敦於雲物緬乎德化未覃所以郊於國南祈勤植之攸濟匪娛樂而是甘然後景福來格無疆在茲笑竹宮之求應鄙宣室之受釐是以降哀矜之詔宣惻隱之慈布政施德逮憚與衆舉沈淪於是日庶聞之於有司

郭遵

遵貞元中進士

初日見朝元閣賦以赫臨曉雲高 文苑英華卷五一

出蒼翠為韻

新豐之路今朝元有歸客見初陽於東嶺照層閣於南陌

欽定全唐文

卷六百十三

郭遵

三

惟閣也憑高不傾惟日也臨下有赫既瞻矇而延燭曷埃堪之能隔陽鳥之翼兮若駐禁林羲和之轡兮若頓高岑蒼蒼之質繞辨杲杲之光稍臨發璇題之麗色開玉戶之宿陰浮輝外融峻勢無不呈其壯引曜中朗遠宇無以閔其深於原之表揭雲之杪映朱檻以冲融凝粉垣而晶皎司晨而見異星樓之麗霄質明乃光殊日觀之生曉陽彩箭文昭然可分晞拂簷之夜霞辨出棟之朝雲類列僊降真祥光絲幕疑大君臨御瑞氣氤氳諒清旭之初起非反照之猶曠日惟至麗閣亦蓋高疎莫大之標洪纖奚比委

無私之照巨細何逃是以詭狀摩天殊安詳悉樂糾欲動謂起蟄於春光井蓮倒披若爭開於夏日的曠交映岩堯上轅不殊南榮之明奚獨東方之出閣之時矣於彼高岡閣之麗矣於彼朝陽據厚載於秦雍鄰顓氣於穹蒼豈比崑崙之山俟燭龍銜耀鵲之觀俟金波寫光孰若列皇都之次鎮王畿之位近白日之貞明總離宮之蒼翠祥雲不散意往仙如存耀景每臨識望幸可冀因徘徊而寓目遂含毫而寫意

翟翮賦

以輝列崇殿明照初日為韻

文苑英華卷一〇八

欽定全唐文

卷六百十三

郭遵

四

前王之立制也取象於明暉森然如六翻之布煥乎分五彩之輝其位也夾輔於皇極其用也咫尺於天威故歷代奉之而不替我后行之而不違若夫朝彥晨趨天仗宿設分駕鷺而式斜儼貔貅而成列視容具瞻誠意咸竭司儀克仰之以取則對歎必候之以爲節禮斯恭敬斯崇脩傳詔而初合知大君之居中俄承命而復啟見天顏之在空謂儀鳳於烟閣若飛龍於霞宮列丹楹之左右分玉宸於西東爛兮方照其朝景颯然如度其薰風光彩絢練羽儀廣殿接鈞天以成形洎億兆而咸見高其中也如捧聖日

於雲霄散而行也似扇皇風於寓縣當合朝之滿盈闕疑
疏於穆清無謂其求進也所以應時而至待命而行無謂
其速退也示不敢蔽人之望掩君之明既進退而有則在
行止而何情且蔚其文寧以自耀布其彩非其競照象舞
羽於舜階異總干於周廟輝映皇居間列綺疏來若麟萃
去如翼舒指北辰之期可久待南面不替其初故先君而
出待朝而畢合儀不爽其疾徐舒布亦獲其疎密前拂瑞
氣傍臨旭日永效用於君前願竭盡其微質矣

南至郊祭司天奏雲物賦

以題為韻

文苑英華卷一一

欽定全唐文

卷六百十三

郭遵

五

惟肇祀於上元必展禮於南至至者作候故用其吉辰南
則嚮明故就於陽位蓋取諸吉土以父事天降皇車以畫
敬奉蒼璧以告虔至誠遂通禋祲不能以自悶幽贊不昧
雲物於是乎昭宣及夫盛禮既畢大駕言旋兆人仰觀於
空際太史伏奏於君前曰當此和煦靜無纖氛照曜今天
垂愛景霏微乎山出祥雲度青霄而匪徐匪疾向丹闕而
乍合乍分應乎一陽之始煥乎五彩之文氤氳搖曳去來
無際望之雖曰崇朝慶之知其嗣歲誰謂其有葉本乎觸
石而來誰謂其無心偏舒捧日之勢豈非夫表王者之殊

社稷泰壇之親祭者也天子乃命百辟詔有司載筆以茲
記事視史叶其正辭國慶可徵寧虞於水旱年豐有待先
詠其京坻自躋仁壽之域肯繼春秋之時且南正上言休
徵無弗肯比夫觀臺之望將為備於雲物子月之祀陰陽
始交豈比夫魯史所紀候啟蟄而乃郊我禮踰舊我祥塵
究望歲而知歲之穰祀天而受天之佑五雲八風之異寸
眸遂占三百六旬之期一日可候不然者何以炳煥圖牒
發揮草奏是知郊祀而漢武奚匹推歷而軒后懔懔照臨
之明今將日月並出覆載之廣今與天地同參臣有觀盛
儀而瞻瑞物願齊聖壽於終南

欽定全唐文

卷六百十三

郭遵

六

六角扇賦

以右軍書之可求價為韻

文苑英華卷一〇八

扇有異體六角其尤雖嘗巧而是甯非好奇而不求故須
借聲於墨工之類假手於札家之流伊彼姚矣裨服是以
鑄竹於戲山之陽求錢於越人之市柄一條而有象形六
折而難擬翳杲日規模莫成搖清風綺紈而已逸少遇諸
濡翰而書兩行而露垂花散五字而龍盤鳳居絕筆以授
高價是就觀之者雲集售之者輻輳騰驤乎六體之先彈
壓乎九華之右既而厥價載殷厥聲載聞賈之者但慙於

老婦鬻之者寧忘於右軍且手非扇之所題扇實手之所藉一自以翳飛塵一自以防朱夏何捏提之見投而毫芒之忽借既盡攜之之妙亦長鬻之之價是知物不自貴惟人貴之向使松烟不染翠管不持則是扇也入晉鄭而陋賤彼老姥也同班妾之見遺又安得用六角之善獲五銖之資哉嗟乎小因大而事罔不行美加醜而用無不可故扇待書而色貴人假扇以財夥姥曰右軍惠而好我

韋紆

紆貞元中進士元和朝官戶部郎中

欽定全唐文

卷六百十三

韋紆

七

柘郡廳壁記

處州浙浙江東南七百里連山洞溪負海踰嶠縣歷更置至隋始爲處州後復號柘國朝置十道處州列在江南第居於上天寶初爲縉雲郡大厯末復之刺史更置迭廢州郡沿革官則隨之大凡親人輔化任莫重焉大和五年紆自司駕員外郎奉符典州大懼不稱其職且以地險而瘠人貧而勞繭絲之稅重倍他郡故逢稷歲亦未若他郡之平年也爲是邦者得不謹節而乃自封乎夫爲惻隱可以安疲羸忠信可以美風俗待物以誠飲人以和可以去刑

法矣是三者紆未之逮而有志焉因書之壁以自儆

欽定全唐文

卷六百十三

韋紆

大

欽定全唐文卷六百十四目錄

鄭幹

敕修應聖公祠堂碑

樊陽源

江漢朝宗賦

虛舟賦

眾水歸海賦

襄華貫洪河賦

范傳正

欽定全唐文

卷六百十四

目錄

進善旌賦

風過簫賦

廣祐英惠王父子碑銘

贈左拾遺翰林學士李公新墓碑

元明

爲寧王謝亡兄贈太子太師表

崔敖

大唐河東鹽池靈慶公神祠碑

王叔平

唐故監察御史裏行太原王公墓誌銘

并序

陳諷

進善旌賦

連理樹賦

新築峨和城賦

王申伯

唐故內供奉翻經義解講律論法師晉空和上塔

銘

欽定全唐文

卷六百十四

目錄

二